




كَيَواؤُ خَطُّ أَحْمَرُ

الشاعر: جودة سالم









إحنا اتفقنا كلنا

إحنا اتفقنا كلنا بفضل كده طول عمرنا
مسلم مسيحي قلب واحد ولا أى حاجة تهمنا
إحنا اتفقنا كلنا
من يوم ماأنا وعيت على الدنيا لقتنى أخ ليك
تمرض بحس بالألم وأحزن عليك
لوفيه فرح أكون انا واقف معاك إيدى فى اديك
بنحس بالخير والدفا لما نكون مع بعضنا
إحنا اتفقنا كلنا
رافعين شعار عاشت بلدنا قلب واحد
نبقى جسد إحساس.. كيان .. مش عقل شارد
مش بلطجي يفرض حياته ويبقى مارد
لأ... لأ... لأ ننتبه دإحنا الوطن وإحنا السكن
حضنى وحضنك يملوا كل الدنيا بالخير والهنا
إحنا اتفقنا كلنا
جات السنادهى يمكن نكون حاسين قلق
مانقوم نصلى لربنا هنشوف شيطان مات وأتحرق
آدان كريم ... وجرس كنيسة... شقوا الضلام فتحوا الطرق
لا هنلقى حد جعان ولا عربان ولا مجروح ولا تاه واتخنىق
بإدينا نعرف ربنا ندعيه أكيد راح يستجيب
طول ما إحنا إيدنا وقلبنا رافعين هلال ويا الصليب
وملخص الكلمة (مصرى أنا) والدين دا لله أما الوطن هو الحبيب
نحفر فى قلب الصخر ونعمر بلد
هتعزيزنا وتودنا ولا يوم هنلقى أى حد يذ لنا
ما إحنا اتفقنا كلنا

الدم دا اللي فى الميدان دم الشهيد
أحمد وبطرس عبد المسيح عبد الحميد
ماتوا وقابلوا ربنا وسابولنا بستان جديد
ياللا نحافظ ع الأمل مش بالكلام
لأ بالعمل بالتفاؤل والتراحم والتفانى... مش بالكسل
يومها هنلقى الدنيا غارت مننا
ما إحنا اتفقنا كلنا
يارب وحد مصر وقوى قلبها
علشان نقوم بعد الغمام نزرع ونروى أرضها
أنا مش يقول كل الكلام ده علشان شعاع راح نرفعه
لأه لأه عشان نبنيكى يابلد التاريخ والأهرمات
لأه عشان ناخذ بتار ابنى اللي مات
كمان عشان نطلع لنور بعد السبات
إياك تقول لأ مش أنا والوقت فات
الوقت ده بإيدى وإيدك والحقيقة إن إحنا واحد لو حتى فات مائة سنة
إحنا اتفقنا كلنا

أنا كده نازل

أنا كده نازل علشان خاطر بلدى تعيش
هنحمرها ونعمرها ... ونخضرها
واللى هيزعل من ثوارها ... يمشى ... يروح ... يبعد ميحيش
أنا كده نازل علشان خاطر بلدى تعيش
ننزل كلنا كده ونطالب بالحرية لشعب عظيم
ونكرر أفكارنا ليكره صحة ولبس مع تعليم
علشان نلقى جيل متحضر علشان نلقى شعب سليم
هو نزولنا فى الميدان راح يبعد عنا الخفافيش
أنا راح أنزل علشان خاطر بلدى تعيش
ياللى هتنزل للميدان أوعى تفكر فى التخريب
مصر بلدنا فى كل زمان هى الأم وأوفى حبيب
من غير عنف من غير قوة
ولا بلطجى وسلاح وفتوة
نخرج برة نفضل جوة
هى بلدنا وغيرها مفيش
أنا كده نازل علشان خاطر بلدى تعيش
نفرح لما نلاقى بلدنا... حاجة جميلة وتشرفنا
نضمن مستقبل لولدنا... إحنا مشينا طريقنا عرفنا
(إن السلم فى الميدان)
هو شعار كل الأديان
واللى يخرب مصر جبان
عايز مصر تروح متجيش
انا كده نازل علشان خاطر مصر تعيش
بدعى يارب تسلم بلدى ... م اللى هينزل ويخربها

إحنا هننزل لو سلمية ... ومطالبنا هنقربها

نصبر بس لمدة بسيطة

ما إحنا صبرنا كتير على فكرة

من دلوقتى لحد ما نوصل

راح يبجي وكأنه دا بكره

إيدنا لفوق ... ندعى بقلوبنا

لازم مصر الحرة تعيش

إحنا هننزل علشان خاطر مصر تعيش

علشان خاطر مصر تعيش

علشان خاطر مصر تعيش

خط أحمر

لما جاء الشاعر يغنى قال كلام
لما جينا للحقيقة أصبحت وهم وآلام
أصلنا نسينا فى حياتنا رينا اسمه السلام
مصر اسم من حروف مليانة معنى

م: محبة

ص: صلاح

ر: ريحان عطره جمعنا

للأسف جواها تهنا واتسرقنا واتوجعنا؟
لو صرخنا صوتنا يعلى؟ وإن على الصوت اتسمعنا؟

صوتنا ده كان كلمة تايهة فى المنام

لما جاء الشاعر يغنى قال كلام

البرىء أصبح فى شرعك متهم

والجناة فيهم مناضل أو حكم

اللى أنا اتعودت أقوله آه نعم

بس نفسى أسألك مرة سؤال؟

أبقى إيه بالنسبة ليكى؟

أبقى إيه وأنا عشقى ليكى؟ اتولد من غير آلام

لما جاء الشاعر يغنى قال كلام

بين طابور العيش وزحمتنا الطويلة

بين صراخ قلبى وأصواته العليلة

بين ضياع حقى فى كسوة أو علاج

بين صراخ ابنى فى لحظات الهياج

أأمرى وأنا من دا كله أعمله حلية وتاج

فوق على راسى شرف إنى أكون رمز السلام

لما جاه الشاعر يغنى قال كلام
بس عارفة يابلد بكره جاى ومش بعيد
حللنا الوردى اتولد قلب جامد من حديد
قلب هيئفوت ف الحجر
قلب هيطول الشجر
قلب هيقول للخطر
مرحبا أنا بيك سعيد
اتزرع جواه محبة وابتسامة مستمرة
ناسى معنى الحزن معنى الفقر واديه اللي بره
جاى رافع حلم واحد
مصر هتعيش النهاردة دا مش كلام
مصر هتعيش النهاردة دا مش كلام
لما جاه الشاعر يغنى قال كلام

الظاهر انى خلاص

الظاهر انى بقيت خلاص مجنون بحبك
ومع الأسف أصبحتى حلم بعيد عليا
إنى أعيش زى الطيور فوق ع الشجر
وأشم زفرات المطر
وأعيش ثوانى ، ومستحيل
أبقى فى خطر
يا مصر يا أرض السلام
أرض الحمام كتر الكلام تايه فى دربك
الظاهر انى بقيت خلاص مجنون بحبك
هنغير العالم بتاعنا بكلمتين
دعوة فرح جوه الفرح جرح وأنين
ناس تاهو وسط الزحمة باتوا محرومين
كفاية ذل
فيه صوت قوى قرر بقولك
انه خلاص ميقاش يحبك
يا أرض ضاعت مننا فى الاحتلال
رجعت وماتوا فداكى أولاد الحلال
اللى حموكى بدمهم أعظم رجال
مصرى عظيم صامد كريم
زى الجيل
والخير يتوه جواكى واحنا جوه دربك
الظاهر انى بقيت خلاص مجنون بحبك
اسمع بقولك يا بطل انت ابنها
خيرها دا ليك بإرادة ولا حتى غصن عنها
ميجيش دخيل فكرى وعلمى يوم يحطم قلبها

واحنا نسيبها نبيع ترابها وأرضها
لأ مستحيل مليون بديل
ابدأ بنفسك غير حياتك
انسى اللي فاتك دا الليل طويل
ما أنا بره وازيك
وأزيد شوية
عمال بقول لنور عنيا
الظاهر إني بقيت خلاص مجنون بحبيك
بعتمدلك
بعتمدلك اعتذار من غير حساب
أيوه مقرتش اللي كان جوه الكتاب
وانكسر جوايا شيء لازم أقوله
عقلي وجداني وكياني
والنهار والليل بطوله
دنيا ضلومة والنهية فى التراب
بعتمدلك اعتذار من غير حساب
عارفة ليه أنا بعتمد اصلى راح اعيد النظر
بالمفيد المختصر
فوق على أرضك أنا مليش مكان
حقلي ضايع انسرق سددوا كل الطرق
ألف مليون اتحرق جوه قطرك من زمان
والنهية صوت بيعلى ويختفى بين ألف باب
بعتمدلك اعتذار من غير حساب
ليه يا مصر يتهملى ابنك ؟ علشان فقير؟
اللى ملوش ظهر فيكى خلاص يطير
يا أبقي فوق الناس ويبقى دا المصير
واتظلم واصرخ وصوتى يتقتل من غير حساب

بعتذرلك اعتذار من غير حساب
بعتذر علشان هويتك
وانسجم قلبي فى بيتك
م البداية آه ياريتك كنتى قلتى مصرى ايه؟
وعد بحياة تختفى شمعة قايده بتنطفى
احكمى يوم انصفى ولا حكمك كان سراب؟
بعتذرلك اعتذار من غير حساب
نفسى أعيش جواكى لحظة أحس فيها إنى بشر
وامسك النجم بإديا وابقى فوق عند القمر
أصل هى المشكلة حبة مطر
تروى أرض الغلبانين تحيي التراب
بعتذرلك اعتذار من غير حساب
سامع الخير من يعيد بيقول هجيلكم
تلقوا نور شمس وقمر على شط نيلكم
بس سامع صوت غريب عمال يقول
حقى إن الظلم ببقى بيلازمكم
شر صوت خير بصوت مش هموت
حتى لما هموت راح تختفى كلمة عذاب
بعتذرلك اعتذار من غير حساب
شوفى كام انسان بيحلم بالحنان
شوفى كام مليون ضعيف نفسه فى آمان
تقدرى تتغيرى وتدورى على مين يفيدك؟
عمرنا ما سمعنا ان اللى بنى كل التاريخ كان مليونير...
ولأُفرقنا فى تاريخنا بين صغير أو كبير
عارفة كل الفرق فين؟
فى الطمع شره الدفين
داس على الخير واختفى ويا السحاب

بعتذرلك اعتذار من غير حساب
بندهك يا تاريخ بقاله فى الكتاب مليون سنة
شوف مصيرك ايه؟ وشوفنى مين أنا؟
أنت تايه واتنسيت
مش لقيلك أى بيت
يحضنك أو يحفظك أو تحس بيوم هنا
حظى من حظك تمام
فى النهاية السلام
اللسان حس بتعب واتنعم منه الكلام
إيمتى تتغير بلدنا ؟ مش كلام
لأ بصنع الخير وحسن الاحتساب
بعتذرلك اعتذار من غير حساب

عشقتك

عشقتك كل ما فيكى ترابك بين موانيكى
واسمى لقيته بين اسمك بيهتف السما ليكى
عشقتك كل ما فيكى
بحبك ما إنتى ضلابة وساكنة فيا ومعابا
ولو قالوا فى يوم أنت أنينك هبعده بيكى
عشقتك كل ما فيكى
ياساكنة جوه قلب الطفل قبل ما يوعى للدنيا
غناوى كتيرة غنوها فى لحظة دقيقة أوثانية
مايفتكروا تاريخ بلدى وراية نصر مرفوعة
تمثلها لازم تبقى فى كل الدنيا مسموعة
أنا أحزن أنا أبكى ولا لحظة ألقى الدمع فى عنيكى
عشقتك كل ما فيكى
هنحكى قد إيه ونقول مايا ما كتير مقدروشى
تاريخ حكمة وصبر يطول أساتذة مين مفهموشى
كفاية إنك أنا ابنك ودمى وروحي مغلوشى
أشيل اسمك ليوم الدين باسمى وافتخر بيكى
عشقتك كل ما فيكى
فميمك مرة سألتنى أكيد انت اللي بتغنى
وصادك صبرت فيا جروحي لقتنى مستنى
لراية نصر جابلنا وشايللنا تاريخ وحروفه بتمنى
يا مصر يا أمى يا حكاية أكيد راح تبقى ضحكاية
ومرسومة وبتلالى فى شرق وغرب وخبالى
ولو سبتك أكيد مش هلقى بعديكى
عشقتك كل ما فيكى

ثلاثين سنة

ثلاثين سنة ذل وإهانة ثلاثين سنة فقر وإعانة ثلاثين سنة غدر وخيانة

موتهم هيبقى... رد اعتبار

مش م الشماتة والانتصار

يموتوا يمشوا خلاص كفاية

دلوقتى عارف مين أنا

ثلاثين سنة

ثلاثين سنة والشعب تايه جوه دوامة الحياة

ثلاثين سنة والأب مش عارف يكفى ولاده... ويبهمل دواه

ثلاثين سنة وأنا يومع أركع وأصلى وادعى ربنا... ثلاثين سنة

يارب ترحمنا بقى م الظالمين

ونحس إن إحنا كده متطمنين

مش أزمة الحضرى وغيره مشغولين

وحقوقنا ضاعت كلها

وايمتى راح ترجع لنا؟

ثلاثين سنة

ثلاثين سنة فانت على شعب انكسر

غنى ولحن وانتصر

وعجز فى ثانية... خاف يواجه الخطر

معرفش يعمل سقف يحميه م المطر

ولو اشتكيت هتلاقى ابواب تتفتح

مش للنجاة

للسجن والويل والعذاب وبيا الضنا

ثلاثين سنة

أنا لما شففته جوه نايم فى القفص

ومش بيقدر يتنقل

لأمش شماتة بس حسيت بالأمل
حسيت باني اقدر أبقى أب وأحمى أسرتي
حسيت باني عندي قوة ولسه ليا كلمتي
حسيت بعالم ... كله خير أمن وسلام
حسيت بروح جاية بتبلغ كلام
دلوقتي بحمد ربنا
إني مكنتش ويا دول جوه القفص
أنا مصري شارب من كيغانى ومش هسيب حقي يضيع
لو حتى هفضل مائة سنة
ثلاثين سنة
يا كل واحد جاي يبنى أرضها
انسى اللي كانوا عاشوا ياكلوا حقها
وابدأ بنفسك... إنت مصري
إنت صاحب كل حاجة فيها ... إنت ابنها
متقلش لأ ولا تعتصم
اخرج وحاول وانهم
أكيد فى يوم هتكون كبير
دأنت اللي وقعت الطغاة جوه القفص
ويارب يبقى الحكم ليهم... اعتقال
مليون سنة
ثلاثين سنة ثلاثين سنة ثلاثين سنة

وردة شبابك

وردة شبابك فتحت وعليتى فوق

وردة شبابك

وردة شبابك فتحت... ويفيتى فوق بعدما كنا غرقانين...

لقينالنا طوق

صوت على هز الأرض شقق فى الحجر صوت على يببنى السد ويصون
المطر

صوت على قالك بعشقتك من غير خطر بس المهم إننا نقدر نفوق

وردة شبابك فتحت وبقيتى فوق

يا مصر يا أم التاريخ والأهرامات وأحمد زويل

خلاص قضينا على الفساد غير حقنا ملناش بدبل

عشناك تايهة وميتة عشناك وفى عز الشتا بردك شديد من غير

غطا

والشعب تايه جوه منك لويقوم هيقوم عليل

ايتمى هنشعر بالدفا... من غير حفا... حب و وفا م الخير ندوق

صفحة تاريخك نورت جوه الميدان اتغيرت

بركان مشاعر عبرت عن مصر مستقبل جديد

أفرح بابنى اللى اتولد هيعيش فى خير جوه البلد

من غير وساطة ومحسوية من غير رشاوى بلاوى جاية

يبقى الغنى وبا الفقير من غير فروق

وردة شبابك فتحت وعليتى فوق

فرحان لأنى هجيب رغييف من غير طابور فرحان لأن مفيش جواكى سور

فرحان لأن الدنيا صبحت ملكنا من غير تكبر أو تعالى أو غرور

هسطر تاريخك فوق جبيني جوه قلبى بين إديا

واكتب فى أول سطر معنى الإنسانية وفى كل سطر إشارة للوردة الندية

اللى بيجرى عبرها جوه ف العروق

وردة شبابك فتحت وعليتى فوق
يا كل وجه للفساد والنهب ولشبح الطمع
ابعد وسيبها لأهلها
من غير وجع
دم الشهيد جوه الميدان دمعة حزينه من زمان
ازاى نسيبك بعد ما أن الأوان تنهب ترابها وخيرها وتزيد ف الجشع
مصر الجديدة اتغيرت
مصر الجديدة اتطهرت
مصر الجديدة اتطورت
ويتعلى فوق
وردة شبابك نورت
وعليتى فوق
أبعثلها رسالة

يا شعب بزيادة الدنيا شغالة والإقتصاد وطى وحالتنا دى حالة
أجى أبيض على بلدى الاقيها مشغولة ابعثلها رسالة
يا شعب بزيادة دى الدنيا شغالة
أنا قلت أستنى والحال ده هيتعدل
أترها دى فرة واتشقلب واتبدل
ظلموكى يا بلدى بالخيبه وبالكسل
ياما نفسى آلاقيكى
الاقتصاد عدى
والشغل مش مدة
واحتجتى لعمالة
اجى أبيض على بلدى آلاقيها مشغولة
أبعثلها رسالة

أسف سيادة الهرم
لو كان ما بينا عاش
كان طق من خوفه
كان قال معش هنا
يرحم زمان خوفو
واتخبطوا كفوفه
يا مصر يا طيبة
يا أخوانا صوتى اتنبج
دالاعتصام حالة
خلاص يا رجاله

أجى أبص على بلدى آلاقيها مشغولة أبعتهلها رسالة
خارج نطاق العمل من شهر وشوية
ازاى بنزرع أمل والوكسة منوية
على كل شيء نعتصم وكأنها موضئة
والعقل عمره ماحكم ياسنينكم السودا
مصبرنا دهر وزمن والسلطة موجودة
لما السجون تتقفل... أصبحنا ليه عالية

أجى أبص على بلدى آلاقيها مشغولة أبعتهلها رسالة
صمّ ويكم... نعم وده ف قطيع الغنم
إشارة بتوجههم عصاية يعنى ألم
تعالوا نحسبها بالراحة والمعقول
فرمتنا سواقيتها وزهقنا عدس وفول
وقدرنا نحميها وسقط نظام الغول
نيجى إحنا دلوقتى نقول بلاش منها

ونهبب الحالة

أجى أبص على بلدى آلاقيها مشغولة أبعتهلها رسالة
حكّم ضميرك كده وراعى ربك يوم
نصبر. مع بعضنا ولا يوم هنلقى هموم
ولو احنا مع بعضنا هنطول سما ونجوم
بلدنا أصلا كده ولادة رجالة
أجى أبص على بلدى آلاقيها مشغولة أبعتهلها رسالة

مكتوب هناك

مكتوب هناك فوق ع القمر
على شط نيلنا ع الحجر
إن التاريخ ده ملكنا لو حتى تشهد ضدنا كل الخلاق والبشر
مكتوب هناك فوق ع القمر
مصرى أنا واعتراف
مسلم مسيحي
جالنا العدو ساينا وخاف
عارف بغن الوحدة بينا شيء أصيل
شاريين حنان عايشين آمان والأب نيل
غير إننا نبقى كده ملناش بديل
وهو ده المنتظر
مكتوب هناك فوق ع القمر
أنا قلتها... من غير تنازل عنها
أنا ابنها... عاشق ترابها وارضها
عايش فى خيرها ومرها
أنا منها... ماشى الهلال ويا الصليب
طلعوا فوق عدو الخطر
مكتوب هناك فوق ع القمر
لازم ولادنا يعرفوا... أصل التاريخ... يتشرفوا
يبقوا الأمل... جهد وعمل... بين البشر
مايطاوا يوم راسهم ويبقوا شعب ناجح مفتخر
مكتوب هناك فوق ع القمر
يارب انصرها البلد دى وعلى فيها كل شيء
محسن ومرقص والخليل... عرفوا الطريق
جاي الزمان يرفع شعار مصر الأمان مصر السلام . مصر التاريخ

خبر وانتشر
مكتوب هناك فوق ع القمر
يا كل أعداء النجاح لو تعرفوا
إن احنا روح واحدة... هتمشوا بلا رجوع
همى وهمك ف البلد... تبقى البلد أم الولد
من غير دموع.
ونعيش ونلقى مجدنا... رافع شعارنا كلنا
مصرى أنا... مصرى أنا... مصرى انا
يومها هيكثر خيرنا ويزيد المطر
يومها هيعلى الحق... ويزول الخطر
وكل ده... مكتوب هناك فوق ع القمر
مكتوب هناك فوق ع القمر على شمس نيلنا ع الحجر
إن التاريخ ده ملكنا لوحتى شهدت ضدنا كل الخلايق والبشر
مكتوب هناك فوق ع القمر.

الحيران

اسرقونا وانهبوننا وادبحونا وافضلوا تتحكموا
تاخذوا قوتنا تحرقوا أبواب بيوتنا
عشنا متنا بكره راح يجيلكوا يوم تنالموا
اسرقونا وانهبوننا وادبحونا وافضلوا تتحكموا
لونسيتوا رينا ... رينا موجود معنا
كنا بين ايدكم أمانة
للأسف... ابتديتوا بالخيانة
ثانية واحدة هتفهموا
عدوا ويانا الملوك اللي عاشوا ف أرضها
ميننا... أحسس... شجرة الدر بحرسه وأمرها
راحوأ فين؟ مش بقوا م الميتين؟
ولا هنعيد السنين جوه طولها وعرضها
إحنا شعب صوته عالي مش هيوطى مرة ثانية
إحنا شعب دمه غالى مش هيحكم بالأمانى
إحنا شعب ف الميدان موجود. محمد ويا عيسى وإبراهيم وهدى وأمانى
إحنا شعب مش هيستننى العساكر
تفترى وتقتلنا تانى
إحنا شعب برىء مناضل
كل أيامه... تسامح أو تفاؤل أو تفانى
اسمعوا يالاحتلال ياللى انتوا أصلاً أهلنا
صعبة... سهلة دى بلدنا مش هتبعده عننا
إحنا هنموت مرتاحين
لما نفرح بالأمل. مرسوم على جبين ابننا
وإحنا دلوقتى فى ثورة

بعد ما فاتت سنة
وحتى لما يعدى عمر الناس هييدفنوا هنا
المهم إن إحنا حققنا غرضنا ف البلد دى
واللى جاى هييبقى أحلى
حتى لو فات ١٠٠ سنة. لازم الحق دا يرجع للوطن
اللى سرق... يتسرق أو يتجلد أو يتسجن
المهم إن إحنا ناخذ التمن
شفتوا احساس الولاد جوه الميدان
مش حرامى أخذ فلوس وطلع جبان
خد رحاله من البلد... وسافر عشان
تبقى سرقة محكمة
ينصبوا كمان ع الزمن
اسمع يا عسكر طقطق ودانك
السكة صعبة... وكلام عشانك
إياك تفكر فى يوم تعاند شعينا
هتلاقى ثورة والف أيد بتمدنا
ادين شريفة جاية تاخذ حقنا
ولحد ماتقوم القيامة انت بردوا عدونا
ايدى فى ايدك يا ولد
ميدانا اسم ومستند
بكره هييبقى فى التاريخ
طفل وشاب أو حتى شيخ
هيروحو ياخدوا حقهم
خلى الجناة جوه الميدان يتعلموا
اسرقونا وانهبونا وادبحونا... وافضلوا تتحكموا

فى انتظار المحاكمة

بالك طويل ياسيادة القاضى الموقر حضرتك
هو انت فرحان بالكلام؟ وكل يوم تيجى مغير بدلتك
أرجوك تحس بجرحنا وبذلنا
ولا أنت عايز يبقى حكمك
إن إحنا نهجر دولتك؟
ياسيادة القاضى الموقر حضرتك
ولحد إمتى الحكم فى بلدنا كده؟
نصبر كتير على حقنا ونقول رضا
والحكم ييجى ضدنا
علشان ضعيف قوى ضهرنا
والحزن كاسر وشنا
تقدر تشيله ف جلستك
بالك طويل يا سيادة القاضى الموقر حضرتك
ثورة وقامت وانتهت
والشعب صابر ع القدر
بس القضايا اتأجلت
والحكم هو المنتظر
اشمعنا لما أعادى حد ويشتكينى فى لحظة ابات جوه السجن
وبقالنا اكر من سنة عايزين نطبق ف القانون
هم اللى جوه السجن دول إيه مش بشر؟
ولا القانون يداس عليه علشان يعدوا من الخطر
إرحم بقى...
إرحم دا كل الأمهات عاملين مناحة... وليل طويل
ضاعوا ولادهم... هو الضمير دايمًا عليل؟
مهو هو ده الحاجة اللى باقية من الزمن
إن الضمير يفضل معاك وإنت بتدى كلمتك
ياسيادة القاضى الموقر حضرتك
ليه متحكمش ع اللى غرق عبارات؟

ليه متسألش ف اللي مفقود واللى مات؟
ليه صوتنا واطى كلنا؟
بنلتزم بالصمت والخوف والسكوت.
دول ألف ليه وليه وليه
محتاجة منك لإجابات
متعبرونا يا أهل مصر بحكمها
وعرفونا
إحنا منها ولا إحنا مش من أهلها؟
ياريت تخلوا الحكم أسرع من كده
يا سيادة القاضى دا شغلك
وهى دى مهنتك
يا سيادة القاضى الموقر حضرتك
البطىء ليه هو الشعار؟
والمدة إن طالت بنشعر بالمرار
ياريت كمان تقدر تقاضى الخبازين
وتخلوا لقمتنا كبيرة
وشكلها ميكون حزين
حتى الدقيق اتباع وحقنا هضموه
وفى كل يوم اوجاع نصرخ نقول ياهوووه
إيه أخرة الظالمين؟
يارب إنت القوى وهى دى حكمتك
يا سيادة القاضى الموقر حضرتك
الشعب بالملايين والعيشة ولا حاجة
والحق عارفين فين وانتم فى تلاجة
يارب ساعدنا صبرنا واحميننا
واللى هيرحمنا خسارة ليه فينا؟
كل اللي يحكمنا يلعبها لمصالحه
يسرقنا يقتلنا يارب متسامحه
فرج قريب مننا ورضينا بنعمتك
يا سيادة القاضى الموقر حضرتك

إرضى عنى

إرضى عنى حسسبىنى إنى منك وإنتى منى

كل يوم بتعدى بتزىد العداوة

حزنى جوه منى بيزىد بالقساوة

إرحمى إهدى كفاية بالهداوة

دإنتى يا غالية هشىلك جوه منى

ارضى عنى

هو برضىكى اللى حاصل لينا فىكى

نتقتل بادبن عساكر تفترى وتقتل ماشىكى

إمىتى هنحس الآمان إمىتى هنشوف اللى خان

يبقى براكى وسابىك

ولا كل ده تمنى

إرضى عنى

إرضى عنا وحسسبنا بالأمل

هو الأمل على ولادك حرام؟

ما إحنا عشنا سنين طويلة ممنوعين من الكلام

لما جينا صوتنا يعلى لجمونا بالرصاص

بس لما متنا زدنا بالعزيمة والحماس

روحنا علقت أصبحت هى الأساس

رجعتلى اللى اتسرق جواكى منى

إرضى عنى

إرضى مهو صوتنا اتنبج والصراخ بقى شىء طبيعى

حلم عشناه اديح وانتى عمالة تبيعى

واحنا بنحافظ عليكى ليه مصرة إنك تضيعى؟

بورسعيد شهدت وقالت

مستحيل فى يوم نغنى
إرضى عنى
هو يرضيكى اللى كان
مش مكفيكى الميدان؟
مش مكفيكى الوزارة والشوارع والغيطان؟
رحنا نتمتع بكورة قولنا نطلع م الملل
النتيجة أمن ضايع عدى كم فرد اتقتل
دا انتى لو ثابتة ف مكانك؟
كنتى وريتى اللى خانك
كنتى طلعتى بلسانك
الكلام اللى يوقف أى حد عايز بهنى
إرضى عنى
أيوة بتوسل إليكى
أيوة جاي أبوس إديكى
أيوة نفسى أحس لحظة
إن أنا غالى عليكى
يا بلدنا كفاية ذل من زمان عيشينه ليه؟
وإنتى واقفة تشهدى
إنطقى اقضى عليه
ولأ خيرك جى من خارج حدودك
دا إحنا أهلك وإحنا عرضك واحنا أرضك
واحنا أولادك وناسك
واحنا ف الأصل جدودك
ساكتة ليه؟
إنتى خايفة!
صوتنا هيخليكى تعلى وتفضللى تحكى تغنى
إرضى عنى

إنتى عارفة رضاكى إيه؟

تأمرى العسكر يسيبك

تمسكى بإديكى جيبيك

تصرفى ع الشعب كله

يومها هتطفنى لهيبك

مش هتحتاجى ساعتها

أى حد يدوس عليكى

إحنا هنعاهدك يا أمى

إن إننا نفضل ولادك

ف الحقيقة مش تمنى

إرضى عنى

إرضى عنى إرضى عنى إرضى عنى

للأجهل أم في الدنيا

هجيب الشمس والقمره وهرسملك
نعيم فى الدنيا بإديا .. هقدملك
وهدعى ربنا تبقى فى نور الآخرة وأنا جميعك
يا أمى كفاية درعاتك .. وإحساسك وشوقك ليا خلانى
أبوس راسك
فى كل دقيقة وحشانى .. يا ساكنة جوه وجدانى
قوليلى أعمل عشانك إيه؟ يعوض لحظة من سهرك
وقللك يوم علشانى
أبوس راسك ... فى كل دقيقة وحشانى
يا ساكنة جوه وجدانى
هجيب البحر والميه .. بحنيه
يا أمى اصبرى علياراح أكتب اسمك الغالى على جبينى
واشوف الدنيا بعينيكى بدل عينى
أنا لو تهت ف الدنيا .. أكيد يا أما تسمحينى
واردد اسمك الغالى على جبينى
أبوس راس .. فى كل دقيقة وحشانى ياساكنة جوه وجدانى
فى يوم عيدك هقدملك حياتى كلها هدية
توفقى ... قولى خليينى
أوفى دورى بإديا
مع إنى عارف إنك .. بتدى الخير بحنية
يا أمى كل يوم عدى ... فى عمرى كان بلا معنى
إذا لم حضن يجمعنا .. وأحس بشوقه حوليا
أنا خايف أغيب عنك ... وآلقى الدنيا سرقانى
أبوس راسك ... فى كل دقيقة وحشانى
يا ساكنة جوه وجدانى

أنا وأخواتى والدنيا ... هنحلف إننا نبقى
بأيدي واحدة بعين واحدة
نعيشك نعرفك نلقى... خطاوى الخير بتندهنا
وعرفة يا أمى لو تهنا
فهيكون السبب إحنا
فهيكون السبب إحنا
فهيكون السبب إحنا
يا كلمة جميلة ضمانى
أبوس راسك فى كل دقيقة وحشانى
يا ساكنة جوه وجدانى

مثلث الرعب العظيم

هتعمل إيه لو صحيت ولقيت نقط متوصلة؟
وتشوف كمان جواه عقول متعطلة!
أكيد هتسأل... لو سؤال
إيه اللي جرى؟
تعالى نحسيها سوا
فقر ومرض... جهل وتخلف ف البلد
مين نسألُه ويدلنا
إحنا كده من كام سنة
كل اللي نقدر نعمله
نرجع نبص للهرم
مين كان بناه؟
أجدادنا والماضى اتصدم
لو شفت أحمس راح يقولك ده حرام
لو جالنا خوfo مش هينطق بالسلام
يا أهل بلدي لو صحيح نبقي حاجة
مش كل ثانية نلف ونبص لورى
هتعمل إيه لو يوم صحيت ولقيت نقط متوصلة؟
ليه جالنا نابليون بالجيش والهيلمان؟
ودخل بلادنا عدو مكروه من زمان!
عاشق جمالنا؟
لأ مش هو السبب
عارف ومتأكد بإن الأرض ديا من ذهب
أه للأسف صوتي تعب
بصرخ وأقول امتي يعيش على أرضها
إنسان كريم؟ حاسس حياة متأصلة
هتعمل إيه لو يوم صحيت ولقيت نقط متوصلة؟

علشان مينفعش الكلام... أنا قلتها
بهدهء نفكر ف المصيبة وحلها
ميجيش مفكر كل يوم ويعكها
مين الضحية غير شباب عاطل كثير؟
وينات بتحلم بالسعادة... وهو ده الحلم الكبير
لو صوتى مش هيفيد
طب ليه أخذته
ياسيادة العضو الهمام بعد ما مات الضمير
نדרن عليا ياكل مصرى بتتسرق منه الحياة
بالجوع وبالفقر وبالمرض
لأفضل أنادى وصوتى يعلى
وده علينا مفترض
إنى أنا وأنت وإنتى وكلنا
نقدر نعيش... ده الغرض
يابلاش نهاتى ونندفن جوه المثلث
بين ضلوع متوصلة
هتعمل إيه لو يوم صحيت ولقيت نقط متوصلة؟
يا خسارة النهر الجميل
والقمح والنيل والسحاب
حتى المطر زعلان وعايز يدوق طعم التراب
مشت السحابة وحاسة
إن نزولها هيكون العذاب
مبقتش افرق بين عجوز أو بين أو شباب
يامثلث الرعب
ابعد فارقنا
أيوه بكفاية الحياة متكدرة
هتعمل إيه لو يوم صحيت ولقيت نقط متوصلة؟

الطابونة

ياقضى ومستعجل يا طابونة
أحوالك أوطه ومجنونة
فى ساعات بيكون العيش زايد
وساعات بنجيلك فى بؤونة
ياقضى ومستعجل يا طابونة
قال بتبعلنا لقمة عيش
دا رغيغ معجون وفى قلبه دشيش
عملونا فراخ عايزنا تعيش
ويقولوا حياتنا دى مضمونة
ياقضى ومستعجل يا طابونة
قوانين وأوامر بتوفر
ع الشعب عشان يجرى ويقدر
العيش راح ياكله وهيفكر
باسنانه الحادة المسنونة
يا قضى ومستعجل يا طابونة
العين الحمرا تورى كتير
مش هفضل طول اليوم طوابير
ولا افتح عيش مليون صراصير
وتقولى إحلوت غدونا
ياقضى ومستعجل يا طابونة
آه يا عينى عليا أنا أصلى حزين
دا ضميرنا جابوه وحطوه فى باتارين
مهو لازم يبقى هناك تموين
رجالته الصالحة الموزونة
ياقضى ومستعجل يا طابونة
تموين مع أى طابونة شديد
هتخالف تلقى الإيدف حديد
والعيش يحلو وحجمه يزيد
ولا يوم نحتاجلك يا ماعونة
يا قضى ومستعجل يا طابونة

وسط الزحام

مشيت فى يوم وسط الزحام

لقتنى تايه من زمان

معرفش ناس ولا بيت وناسى دا المكان

وسط الزحام ساعات بتوه

وأهرب بعيد معرفش أنام

وإن نمت اشوف كابوس وخوف

وعمرى ميكمل منام

وسط الزحام

وسط الزحام حوارى تايهة وناس بتصرخ م الجروح

ودموع بتنزل ع الخدود

وأهات بتقتل أحلى روح

ولقتنى تايه ف الطريق

معرفش فين وإزاي هروح

وسكت فجأة

أتارى إنى من زمان

من غير كلام

وسط الزحام

وسط الزحام لقيت فى نفسى حاجات كتير

مشقتهاش أنا من سنين

لكن كبرت وكان عليا

إنى أكون إنسان أمين

وعنيا تتعب م البيكا

لكن البيكا... رجعلى مين؟

الفكرة إن اللى إحنا بنشوفه

ياريت

ميكنش صح ويبقى حاجة ف المنام

وسط الزحام

الزحمة أكبر م الخطر

طب نعمل إيه؟ وإحنا البشر

أنا معتقدش إنى فى يوم

هقدر أشوف وش القمر

يكن عشان.....مفيش آمان

نفس المكان داب م العبر

خلينا نعرف بعضنا

ونقول بقى اللي فى نفسنا

لو كل واحد مننا

عاش حر هيدوب الغمام

وهنلقى كل الناس طيور

بتطير بعيد

فوق الزحام

وسط الزحام

مصر السلام

لوحده عارف أى حاجة
يقولها ليا
المسرحية هتبتدى
أبوة ابتدت
أبطالها... تعلق ومعاه حصان
من غير لسان واتنيلت
فى المشهد الأول... وعود
عمرها متحققت
ديا القضية
لوحده عارف أى حاجة يقولها ليا
المشهد التانى... بشر
فوقهم قمر من غير شعاع
فجأة اتحجب ضوء القمر
والوعد ضاع
لما انتوا مش قد الودود
ليه بتوعدوا؟
شاطرين تقولوا هتدوا حق وتسعدوا
لأه... وداع
أنا بردوا من ضمن البشر
والحق بردوا مسيره يرجع
تانى ليا
لوحده عارف أى حاجة يقولها ليا
فى المشهد التالت... خلاص
راح تنتهى

بس اصبروا
فيه ديب حويط
عامل عبيط
كان جاى مش لاقى الهوا يتنفسه
دلوقتى لولى..مرجان وماس
بيليسه
والمخرج الصامت نطق
بيقول لجمهوره العزيز
بيديسه
إيه رأيكم حلوة كده؟
دا كتير عليا
لو حد عارف أى حاجة يقولها ليا
يارب متشمتش حد فى أرضنا
داحنا تعبنا كلنا
لكن النهاية دى مسرحية
أكيد عرفتموا أنا قصدى إيه؟
نصاب كبير
ضحك عليا
لو حد عارف أى حاجة يقولها ليا

حكاية عم متولى

رجل غلبان بسيط جدا
مبيفكرش فى الأحزان
ومتوكل على ربه
وحط الدنيا فى النسيان
لقى نفسه حزين جدا
وحزنه ساكن الوجدان
دا هو العم متولى
بيفرح لما صوت ينده
يقوله تعالى ساعدنى
وفرحنى وجددى
وفجأة ماتت الغنوة
ولحن الغنوة مش طالع
بيسكت...

سكوته أصله مش نافع ولا عايد ولا زايد
وأوجاعه بتقتل صوت ضعيف خافت
بتقتل كلمة فى الوجدان
حكاية عم متولى

رجل غلبان بسيط جدا
مبيفكرش فى الأحزان
يفكر ليه؟
وهو الحزن عنوانه
مدينة كبيرة فوق سورها
عدوه... قبره... سجانه
يروح على فين؟

لا قادر يحكى ولا يشكى

لغير المولى سبحانه

بيحسب ألف حسابية

حكاية وراها ضحكاية

بلون أصفر

تخلى الدنيا تتغير

وإيه ذنبه عشان يصير

وإيه ذنبه...

أكيد إنسان

حكاية عم متولى

رجل غلبان

ندهلى وقالى حدوتة

بسيطة عشان أقولها لكم

ياريت نستخدم الحكمة

ماجدو أرسطو قالها لكم

عجيبكم كل شىء فيها؟

ترايها... نيلها... موانيتها

متستنوش عشان بكرة

خراب... هيجيها يحيتها

دى دنيا دنية ولا تسوى

نبيع نفسينا علشانها

خراب ممكن

دمار... يمكن

لكنه ناسى سكانها

وأكبر كلمة هيقلها

لسان حيوان

حكاية عم متولى

رجل غلبان
دهى حكاية وبسيطة
مسيرنا نكون فى لخبيطه
بنفروح لما نكسب يوم
ونكتب فوق على المحيطه
ماياما كتبنا ولا حاجة هتتغير
فحاول... لو فى يوم تقدر تكون إنسان
حكاية عم متولى
رجل غلبان بسيط جدا
مبيفكرش فى الأحران

قبل مانغير بلدنا

قبل مانغير بلدنا
لازم إحنا كمان نكون
قد كلمة مسئولية
تتمحى كلمة سكون
يعلى صوت الحق على
يومها مهما يكون يكون
مش هتتغير بلدنا إلا إن كنا بشر
نحترم حق الطريق
فى الإشارة
وفى السفر
ليه بنكسر فى الإشارة؟
ليه بنهدم فى الحجارة؟
فوق عنيننا خلاص ستارة
قربت منا الخطر
لو هتجسبها هتوصل
إننا تبطل نخون
قبل مانغير بلدنا
لازم إحنا كمان نكون
الضمير مات وانتهى
والحياة ضاع منها
كل شىء حلو وجميل
النفوس اتغيرت
والبلاد ادهورت
والأمور اتبدلت
بس إيه هو البديل؟

لازم الأرض الشريفة
تبقى ظاهرة بلا سجون
قبل مانغير بلدنا
لازم إحنا كمان نكون
عمر السما مامطرت
لولى ودهب
بس الزمان اللي إحنا فيه
ليه العجب
إيه يعنى غيرنا النظام
إيه يعنى حسينا الكلام
حياة بلا نقطة نظام
الذوق أهو ساينا وهرب
وبيتهمنا بالجنون
قبل مانغير بلدنا
لازم إحنا كمان نكون
لو كل واحد فينا حس
إن البلد بيته الصغير
راح يعمل إيه
علشان يخلي البيت منور؟
ويا النظام
فيه احترام
حتى السلام جوه بيكبر
ياما نفسى ننسى الفوضى
وزباله الطرق
ياما نفسى نلقى كرهنا
ماضى اتسرق
كنا هنلقاها لنا

اجمل بلد
ونروح نغير نفسنا
شعب اتولد
عايزين نحقق مجد
نلقاه فى العيون
قبل مانغير بلدنا
لازم إحنا كمان نكون

عيد الطفولة

ياكل طفل فى عهدنا وفى كل عهد
لازم بنفسى أقدمك
وصحيح بجد
إنت الشعاع وإنت الأمل
إنت السلام وإنت العمل
وإن احنا لازم نعترف
إنك طريق مفروش بورد
ياكل طفل فى عهدنا وفى أى عهد
اهلا يا أعظم مخترع
فنان كبير
بارع عظيم
عقلك يكوّن مجتمع
جيل بعد جيل
إنسان كريم
ندرن عليا لكبرك
وساعتها لازم افكرك
إن الكسل هياأخرك
ومع العمل هتعيش فى مجد
يا كل طفل فى عهدنا وفى كل عهد

فرسم سها

فيها النجوم... ويا القمر

ونرى رواد الحمى

هما الزمان المنتظر

يومها هتصبح مصرنا

عالية بعيد عن الخطر

يا كل عقل بينتصر

على نفسه ما بين الصور

طفلك يامصر مشرفك

اسمك بنور راح ينكتب

دا عليا وعد

ياكل طفل فى عهدنا وفى أى عهد

الله على مصر التاريخ

أطفالها دول بيشفروا

والناس هتعرف إننا

أذكى وأنقى ويعرفوا

أصل الحضارة كلها

طول ما الطفولة فى أرضنا

بالخير هتاخذ حقها وتعيش بجد

يا كل طفل فى عهدنا وفى أى عهد

هضم صوتى وهتفق

إن احنا نفضل جميعكم

نديكوا خير..... حب وأمان

مهو ده علينا حقكم

ياعمر كله سلام وخير

بيقول يعيش عيد الطفولة

لكل طفل فى أرض مصر

ونشوف على وشه ابتسامه

مليها حد

يا كل طفل فى عهدنا وفى كل عهد

انتخابات

انتخابات انتخابات
صوت بالقوة ومؤتمرات
ناس بتعدى
وناس بتهدى
وناس بترشح فى الستات
انتخابات انتخابات
تمشى فى شارع أو فى مدينة
ناس فرحانة وتانية حزينة
صورة معلقة ف الباترينة
حطينها جوه فى علامات
انتخابات انتخابات
رمز المركب أو تليفون
نائب عاقل أو مجنون
هى نهاينك إيه هتكون؟
غير أيام ضايعة وتاهات
انتخابات انتخابات
ياللى بتاخذ صوتنا عشان
تصبح نايب...
خير وآمان
إحنا عمينا من الدخان
أنا من حقى أقولك هات
انتخابات انتخابات
شفت رغيف العيش
إيه جاله؟

دائما يصغر
مين دايما له؟
مين فى الدنيا
بيشبت حاله؟
حتى الميه طعمها راح
حقى فى بلدى
فى إيدك إنت
قول يا سيادة النايب
ايتمتى؟
نقدر نحلم جوه حياتنا
ونعيش من غير أى آفات
انتخابات انتخابات

يا اخوانا ميصحش كره

يا اخوانا ميصحش كده
٢٢ نجمة اختفوا
ومفيش علم
وعشان هيرجع للأسف
حس بألم
أصل اللي ماسكه من زمان
ولا يوم هيسمع النداء
يا اخوانا ميصحش كده
حرام بجد يا أمتي
حرام تموتى يا كلمتى
وتتوه خطاوى سكتى
من غير صديق
ياخد بإيدى
ويعدى بيا
نحلم بحلم
يكون ماضيه
حاضر ومستقبل برىء
ولاً هنستسلم كده
ونقول رضا
يا اخوانا ميصحش كده
الفه... فداكى الروح ونن العين
واللام.. لمن أشكى واداوى فى مين؟
والسين.. سابوكى تغرقى وحدك سنين
والطه.. طابور زحمة وفيه العيانين

والبيه.. ياريت ايدى تكون مرة يمين
والنون.. نوجه جهدنا للبيت وأهله الطيبين
فداكى مسلم أو مسيحي
وعم حنا والحسين
كله كلام
بس النتيجة هتبقى ايمتى
فى العدى
يا اخوانا ميصحش كده
بحلف باسمك وارتويه
ميه وملاها الملح
واللون الغريب
بحلف بأرضك وبطريقك
والتقيه
صعب الوصول
طريق عصيب
ياصلاح ماترجع للعرب
ياصلاح ماترجع منضرب
عقل الصغير والكبير
ع الذل ناس متعودة
يا اخوانا ميصحش كده
ادعوا معايا نلاقى
أمتنا فى مرة
اتوحدت
بدل العذاب والذل
والوحدة... اتمحت
اللى علينا
نجيب فى سيرة بعض

والفتنة ابتمد
تقتل شبانا ... تهدنا
وتسوقنا كالأنعام
وأصبحنا فدا
يا اخوانا ميصحش كده
يا ولادى عارفين كنا إيه
من ١٠٠ سنة؟
كنا عرب
كنا أصالة
فيه تاريخ انت وانا
إيه غير الشعب العظيم
بعد ماكان يوم مستقيم؟
والقلب طاهر... طيب... سليم
دلوقتى أصبحنا
بنكره بعضنا
وفى أرضنا
ماتت صفات النبيل والخير والرضا
يا اخوانا ميصحش كده
الحق والخير والجمال
قالوا عليهم ملكنا
حق العدو
وخيرنا ليه
وجمالنا جالنا .. انداس عليه
أصبحنا أمة مفككة
خطط كتير... متودكة
طيبخولنا طبخة مسبكة
وكلنا... ولا غيرنا ابتمدى

يا اخوانا ميصحش كده
أصرخ والم الناس
ياريتهم يسمعو
ولحقة واحدة يرجعوا
ويكون تاريخ
حديث جديد
والدنيا تيجي تسمعه
ونحرر الأرض
اللى فيها بيوتنا
ونشيل همها
هى الحياة تنفع بدون أهلك
وأرضك؟
قولها
قول يا عرب
امتى العرب
يبقوا عرب
ونعيش بإيد واحدة ونقرب المدى
يا اخوانا ميصحش كده

إحنا سنتنا جاز وسولار

إحنا سنتنا جاز وسولار
قالوا إمبارح ف الأخبار
كل مواطن هييجيب حلة
وياخد فيها فول وخضار
إحنا سنتنا جاز وسولار
العربية هتمشى بمية
والقطارات من غير عربية
والهيئة عملت إضراب
قعدوا فى بيتهم ليل ونهار
إحنا سنتنا جاز وسولار
أبو عكاشة وأبو منصور
طلعوا يحلوا أى طابور
نرفع أحلى قضية ببطة
الاستئناف ب ٣ د ولار
إحنا حيتنا جاز وسولار
من كام يوم روحت لبيتى
رجلى شالتنى يا دوب بالعافية
لما الجيش هو اللى بيحكم
إحنا نعيش ازاي فى الكافية؟؟
حد يقولى إيه آخرتها...
ولأحنا شبه الكفار؟
إحنا سنتنا جاز وسولار
إوعى تفكروا يوم فى الهممة
من غير شغل ومن غير هممة

كده أو كده فالوطن انهار
إحنا سنتنا جاز وسولار
هو الغاز اللي فى بلدنا
ليه بيروح على تل أبيب؟
أصلى نسيت إن إحنا قرايب
صلة الدم دى فى الأنابيب
شهر مبارك جى علينا
بدل اللحمة هنشوى زيب
وهنكتب ده فى الأخبار
إحنا سنتنا جاز وسولار

قلّة أدب

إنك تشوف حبة بنات واقفين مع شوية شباب من غير سبب

قلّة أدب

طب قولى إيه بيعملوا؟

طالعين عشان يتعلموا؟ ولا عشان يتنيلوا؟

تسمع كلام من شاب فاضى

ويبقى ده مغنى وطرب

قلّة أدب

فى أى حتة فى كل ناحية فى قلب شارع

مفيش حياء ولا انتماء ولا حد سامع

والآب عارف بلوته شايف وسامع

إلا إذا كان للأسف.....سمعته تقيل

واقع على ودانه.....والبنات ملهاس مثيل

لو تسأله....يقول عيال

يرسم على وشه ملامح اتملت

بكل أشكال الغضب

قلّة أدب

داسوا على وسام الكرامة والشرف

كل اللى ماشى جميهم

باصص لهم بصة قرف

بإديهم الناعمة ومكياجهم بقوا

بيدنسوا معنى الحياة

لا هو أخوها ولا أبوها ولا حتى ابن عمها

وادى كل أفعالهم توطى فى الجباه

آه ياشرف ضعنا...وضيعنا الترف

حبة عيال جات للحياة
هم وقرف
بتشوف مناظر كلها دائما
بتدعى للعجب
قلة أدب
كل اللي شاغل همهم
بكره هيتقبلوا سوى الساعة كام؟
قاعدين يعدوا فى الثواني والدقائق
وأكيد ساعتها سهرانين نسيوا المنام
بالزمة يا امورة ياللى أبوكى بيقول
أنا بنتى عظيمة
رايحة ويتذاكر تملى
وكل أخلاقها سليمة
ينفع تسيبى جمعتك؟
تمشى مع الحلو المسبب
اللى فى بقه اللبانة
طب أخرة المشى دا إيه؟
طب واجهى نفسك واعرفى
دا كله ليه؟
مش بردوا هو المفترض
نقعد نذاكر
ولا الحياة فى شرعكم
تندة فى مترو وبعدها حبة تذاكر
يا حضرة الأب الموقر
إنت ناسى ولا فاكر
بنتك دى ريك ادهالك
ياريت تحافظ ع الأمانة

مش راح هنبقى أحلى شعب؟
وفرحانيين باحترامنا وبأدبنا
كل اللي عايز أوصله
إن الوقوف فى محطة المترو بلاش
وإن التعامل بالتفاهة والهرج
وقته مجاش
وإن الشباب المستقيم فى بلدنا
هما ضهرنا
يحموا الحمى ويكونوا هما الروح هما العصب
يومها منقدرش نقول قلة أدب
قلة أدب

كل سنة وإنّ طيبة

كل سنة وإنّ طيبة يا بلدى
والسنة اللى جاية عليكى تبقى أحلى
بس آلاقي فيها خير ليا ولولدى
كل سنة وإنّ طيبة يا بلدى
كل سنة وإنّ خالية من الأونطة
والفلوس فى شنطة ونسافر لطنطا
وناكل بط بلدى
كل سنة وإنّ طيبة يا بلدى
السنة اللى جاية يمكن تبقى شهر؟! وكأنه مجاش
والأسبوع فى ساعة والمهر إشاعة والجواز ببلاش
كل حاجة ممكن إلا إن إحنا نبقى
إيد واحدة فى مرة
كل العيشة مرة
لو دخلنا جوة أو طلعلنا برة
يمكن أبيع فى جلدى
كل سنة وإنّ طيبة يا بلدى

مين هيكون رئيسك؟
مين ماسك فى جيشك؟
مين بايع فى عيشك؟
مين بس دارى بيــــــــــــــــكى؟؟؟
إحنا اللى اتظلمنا فى ضهرنا اتقسمنا
أنا بدعى عليكى إنك واقفة ساكتة
مش بتحمى عرضى

كل سنة وإنّ طيبة يا بلدى
إحنا ملينا راسنا بالنار والغرور
والوزير عايّنا يبقى المحشى محشى بلسان العصفور
والرز اللى أرضك طلعتة لينا
ضاع من بين إدينا
ووقفنا فى طابور
بقى بالذمة يا اما هي دي حياتنا؟
راح نكتب بإيدنا إحنا فيكى متنا
واتفرط فى أرضى
كل سنة وإنّ طيبة يا بلدى
اللى عامله فيكى مرتضى منصور
كل شوية يشتم ويهدد ويشور
إرحمنا يا فندي متعش فى الدور
يا اما أنا لسه خايف ومتيت فى جلدى
كل سنة وإنّ طيبة يا بلدى
وتوفيق عكاشة إيه اللى بلانا بيه؟؟
جاي عاملى فاهم والجهل ماليه
مش هو لوحده دا الإعلام بحاله
إعلام قصده فتنة ويقول مصدرها عندي
كل سنة وإنّ طيبة يا بلدى
أنا عارف إنك مظلومة وبريئة
يا مصر يا غالية ورينا الحقيقة
واقفى معنا ساعة
لومش فاضية قولى وخليها دقيقة
انا جاي عشان أقولك إنه مهما يحصل
فأنت بردوا بلدى
كل سنة وإنّ طيبة يا بلدى

لو هسأل سؤال تجوبى بصراحة؟؟؟
هو إنت بحالنا ميسوطة ومرتاحة؟؟؟
إيه اللى فيكى لينا مش متباع ومخلصينوا؟
سرقة نهب وفوضى وأنا عقلى مكتفينوا
أنا حتى قلى واقف ع العيش بلدى وفينوا
أبوس إديكى جاوبى دإحنا شبعنا كذب
والحياة ممة مش نافع أى لب
الواد الصغير والشاب المعضل والشيخ الكبير
زهقوا من وعودك واللف الكثير
تقريبا يا بلدى إحنا هنتكرلك منا كل خير
روحي الله يسامحك
ويستر ملامحك
ويخلى الضمير
كله حياة مريحة مش بلوة وفضيحة
تهز اسم بلدى
كل سنة وإنت طيبة يا بلدى
يسقط حكم (العسكر ليه)!

دا إحنا عشتنا فى عهد العسكر عيشة جميلة
عايزين إيه غير حكم العسكر يخى بلا نيلة
رز ولحمة فول وبطاطس
شعب بيفرح وكمان هايص
حتى الغاز أزماته قليلة
كيلو اللحمة بسبعة جنيهه
يسقط حكم العسكر ليه!
إحنا هناخد إيه م السُلطة؟ بلا حرية بلا إزعاج
نقعد نحكم ناس مرتاحة خوتة بتدوش اى مزاج

خلوا العسكر هما الدولة
بلا أحكام قرارات ومدولة
إحنا هنلعب ضمننة وطاولة
والعسكر مشاريبنا عليه
يسقط حكم العسكر ليه!

كل شوارع مصر نضيفه ومفيش فتنة ولا متاهات
أنا لو عارف إن دا حالنا هتجوز أربع مرات
تبقى حياتنا فل وعالية وهخلف صبيان وبنات
التعليم هيكون ف البيت والأمن دائما متواجد
ننزل نطلع كالعفارت نتفرج على كابتن ماجد
وفاتورة النت دى مرتاحة ومفيش أى رقابة عليه
يسقط حكم العسكر ليه!

كل الشعب هيرقص بلدى ونزود قنوات التت
كنا زمان خايفين وينصرخ ونقولكمحسبوا من التت
بقت العولة قدام عيننا ع الحرية يارب تعينا
وتسهلها وتحليها أصل أبويا مات يدعيلنا
قالنا روحوا كونوا فى راحة وإحنا كمان أمننا عليه
يسقط حكم العسكر ليه!

أنا حبيت العسكر أصلا من ساعة ملمحت الصورة
اللى فيها العسكرى شايلى طفل مقربه فوق ع القورة
هو العسكر إيمتى وجعنا؟ حاسس بينا وبأوجعنا
إحنا اتنهنا؟ طيب جعنا؟
ليه بتلوموا يا خلق عليه؟
يسقط حكم العسكر ليه!

بس سؤال يا مشيرنا يا غالى مين دلوقتى بيعمى بلدنا؟
ولأ أحمد عيد راح يعملك أحلى سلاح ردع لأولادنا؟
يعمى كنايس مصر الغالية يحمى الأزهر من ع المادنة

أنا من غيظي خلاص مش قادر مش مستحمل أنا مش صابر
كل الخير اللي في بلادي خيرى وخير أرضى وولادى
ولاً خلاص لو ضاع بقى عادى؟
طب دلوقتى هنعمل إيه؟
يسقط حكم العسكر ليه!
هو الحل لأهل الأمة علشان يمشى وتمشى الغمة
نتوحد كلنا ونصلى ندعى إله العرش تملى
إن العسكر يرجع بيته يمشى ويطننا عليه....
يسقط حكم العسكر ليه؟
بس كفاية حرام يا مشير
ترحل... مصرهتبقى فى خير
من غير كذب ولف كثير
مصر خلاص اتولدت تانى مش هتعيش مذلولة ثوانى
لانتخابات ولا لظوابير
مصر خلاص هتنور بكرة وهتبقى دنيا لأولادنا
وهنكتب اللي احنا نعوزه والدنيا هتيجى تزودنا
وهندعيلك آه بالخير
بس إنت تسيبنا لمصرنا ربك هيقوننا عليه
أنا دلوقتى خلاص وضحت
يسقط حكم العسكر ليه!

الانتخابات الرئاسية

أجمل حاجة جوه بلدنا الإنتخابات
تملى شوارع مصر دعاية ومهرجانات
إنى انا افهم أيها حاجة من المطلوب ..
مين هيسوى ومين هيداوى ومين مرغوب
كل الفكرة اللي وصلالى
إن بلدنا دى زى التورتة والمطلوب
شوكة وسكينة وغزل بنات
أجمل حاجة جوه بلدنا الإنتخابات
مين راح بيقر رئيس فى بلدنا من العشرين؟
أنا مش قايل اسمه لزعل زفت الطين
أنا مغلوب على أمرى عشان أنا مسكين
كنت بفكر أرشح نفسى بس قالولى الوقت دافات
أجمل حاجة جوه بلدنا الإنتخابات
نفسى رئيسنا الجاى يفكر فى أم حمادة
ست جارتنا مريضة وحالها ملهش إعادة
تاخذ جايزة ع اللى صايبها ورمز إجادة
صابرة وحالها منيل جدا
تصحى لما الفجر بيدن
تدعى تقول رينا يسترنا
برزقتنا برئيس ويزورنا
يعرف حالنا يرؤف بينا
أو يديننا أى شهادة
أصبر شهر كمان وساعتها ... طب اصبر ليه
يمكن بعد الشهر أنا ابقى من الأموات
أجمل حاجة جوه بلدنا الإنتخابات

عارف معنى الحق ومعنى الكذب
شعب بكلمة أسقط دولة عايشة بقالها سنيين وسنيين
مش راح يغلب إنه يسقط
واحد فاسد من ساعتين
المفروض هتراعى ضميرك
وتحلله كل الأزمات
أجمل حاجة جوه بلدنا الإنتخابات
هى مشاكل مصر بسيطة
لقمة وهدمة وسكة وشقة
مش أبراج وفنادق عالية
لوراح تقدر سيبها مفاجأة
شعبك عايز أمن فى بلده علشان يقدر يكبر ولده
لو هتفكر تبقى حرامى
اعرف إن نهايتك جات
أجمل حاجة جوه بلدنا الإنتخابات

ومش عجبى على الإعلام

يا عالم كل يوم بيقول حاجات ولا ليها أى أساس
فلان قاتل فلان مقتول فلان عايز يقول وخلص
وفين الحق يا إعلام يا كلمة حرة وشريفة
حياتكم كلها أفلام بتكتب بلوى ومخيفة
ما قلنا الثورة هتغير وصوتكم يعلى ويلال
أتارى إنكم بردوا مبتجوبوش على سؤالى
وكل اللى انتوا بتقولوا عليه أصبح خلاص أوهام
ومش عجبى على الإعلام
برامج كلها تافهة وسابوا الجانى فى الميدان
يقولوا كلام بلا معنى ويبداروا على اللى مُدان
خساره يا صوت صبح ميت وجاى عشان يمثلنا
كلامه الحر يتحول رصاص فى عنيننا يقتلنا
وقال بيدافعوا عن ثورة طب انتوا قولوا بالذمة
اختم على الكلام ده كام؟؟؟
ومش عجبى على الإعلام
ليه صنفتم الإعلام على إنه من السُلطة
ليه خليتم المظلوم مبيفكش من الخبطة
ومش عجبى على الإعلام
عشان اطلع أقول فكرة أكيد محتاج ٢٠٠ واسطة
أتارى الصورة مش واضحة وامتى هنبقى يوم قدام؟
ومش عجبى على الإعلام
ياناس باللى انتوا بتحسوا مشاكلنا
تعالوا شوفوا أحوالنا وأعمالنا
مفيش مية مفيش لقمة مفيش بطاطين
حياتنا كلها بيكم نهايتها فى قلب الطين
ونتوحد ونتكعبل ونمشى وكلنا فاكرين
بأن الصوت صبح على وصوتكم نجده م الأيام

ومش عجبى على الإعلام
سمعنا ناس خدت ملايين عشان بيتنا يكون عيلة
يا عمى ربنا يبارك طب احنا فين من الليلة؟؟
أكيد هينوبنا لو جانب ياربع جنينه ياتسبيله
أتارى الضحك ع الجمهور حلال جدًا مفهش حرام
ومش عجبى على الإعلام
هقول على مين صبيح منا أنا مش لاقى ولا واحد
تلاقى الناس تموت جملة يقولوا أصله كان واحد
وأصله إيه؟ مهش إنسان؟
طلع صوته وابنه جعان
عشان إنت تشوف كرسى
وصوتك يبقى ف الميدان
خسارة كبيرة والله على الإعلام صبح علة
أنا لو حُكمتى كان ساعة هعظ الناس دهى فى سلة
واشوفهم مكسورين خالص وصوتهم مات ومش خالص
عشان لو حسوا بالدنيا يقولوا الحق وإن كانت
نهاية الحق دى إعدام
ومش عجبى على الإعلام
مقلنا زمان كانوا فى ورطة وإن واحد يقول غلطة
هيترحل على مالطة ومش هيبكون هنا تانى
خلاص الدنيا دوارة ورأى الحر ده أمانة
سكتم ليه ما صوتكم كان بزمارة
وجعلنى عينى وودانى
أنا راح أقول وهتحسبن على الإعلام بكل ما فيه
سواء راجل سواء مزة بتتباع بضحكة عليه
يا إما تكونوا يا إعلام بصدق حقيقة منقولة
يا إما تغفروا وف كشحة تعيدوا كمان سنة أولى
كفاية انتم... كثير غيركم يخبوا حقيقة بالأفلام
ومش عجبى على الإعلام

قتيل للبيع

أنا جتلك عشان تقتلنى يا حضرة ومش عايز حقوق ليا
كفاية عليا لما أموت راح أغسل عارى بإديا
وعارى إنى أنا عايش على أرضى
وعارى إنى مش عارف حدود عرضى
وعارى إنى لما هقول عايز حقى
ألاقي رصاص كما المطرة
وأقتل وروحي بإديا

أنا جتلك عشان تقتلنى يا حضرة ومش عايز حقوق ليا
بقينا بيبجى ١٠٠ مليون كترنا ليه كده خالص؟
مفيش حاجة تكفيننا وعدد الشعب مش خالص
فاحسن شىء نموتكم نوفر لينا من قوتكم
ولو كان الرصاص بايظ نسنجكم ونحرقكم على بيوتكم
كفاية عليكم العيشة هخلصكم أنا بإيدى
بطلقة نصف محشية

أنا جتلك عشان تقتلنى يا حضرة ومش عايز حقوق ليا
خلاص الجيش بدل ما يكون على حدوده
بيقتل شعب من جدره ومن عوده
فأصبحنا كام الغابة غزالة جمبها دباية
بتستنى تفوت إزاي بنطة جريئة وثابة
أكيد عرفت نهايتها يا إما تموت يا تتاكل
فى كل ظروفها متحاوطة ومبيلية

أنا جتلك عشان تقتلنى يا حضرة ومش عايز حقوق ليا
شوارع مصر مرفوعة إديها لفوق
بتدعى رينا تنجى وتلقى الطوق
ولما الشعب يتكلم ويبجى يفوق
يلاقى الموت بيندهله على الجانبين
يموت عابد يموت ساجد يموت فى كنيسة أو جامع

يموت محسن يموت عبده يموت مينا يموت حسانين
ومتراً قماش يكفنتهم كفن أبيض على الجنة
وكل شهيد من الميدان كأنه عريس فى يوم حنة
راح أنقش فى شوارعها أسامى الناس دى بإيديا
أنا جتلك عشان تقتلنى يا حضرة ومش عايز حقوق ليا
نعيشك ليه؟ يا مصر يا خالية م الرحمة
عساكر موتوا فينا شوارع فاضية أو زحمة
نموت أحسن
مهو إحنا فيكى مش لاقين
رغيف فاضى ولا سامعين عن اللحمه
أنا لما آجى يوم أنزل
أقول يا أرجع يا مرجعشى
يا تيجى الطوبه ف المعطوبه والاقى رصاصة فى عنيا
أنا جتلك عشان تقتلنى يا حضرة ومش عايز حقوق ليا
نهاية الجيش أكيد حاجة من الإتنين
يا يرحل عنا ويسبنا يا يقتلنا فى أى كمين
وأنا عن نفسى مش فارقة
هتفرق إيه؟
مدام العسكرى منى وهنت عليه
قتلنى وقال أنا بنفذ أوامر مش بتتكسر
بقينا كلنا سلعة بتتحرك بإيد عسكر
نحاول نمشى وينصرخ
عقولنا بردوا بتفكر
مهيصبنا غير المكتوب
سواء عشنا سواء متنا
بلا رحمة... بحنية
أنا جتلك عشان تقتلنى يا حضرة ومش عايز حقوق ليا

٢٥ يا نايم

يا نايم تاهت منا السلام

لا وثقتنا فى الحكومة ولا طهرنا المحاكم

٢٥ يا نايم

٢٥ دا معنى لكن شكله انكسر

عالجونا اتوجعنا بردوا إحنا فى خطر

وخالصة الكلام لامفيد ولا مختصر

ولا حتى لقينا مرسى والموج عمال بيقتسى

والشعب خلاص بيغرق على وش الماية عايم

٢٥ يا نايم

٢٥ يا نايم مبقاش حدث طبيعى نقدر نتباهى بيه

بقى خوف وقلق زيادة

حرمان من السعادة

والقهوة هتبقى سادة

تشربها على اللي ماتوا

وهننسى النسكافيه

يا رئيس عايزين تشوفه وهيبقى مين.....يا عالم؟؟

٢٥ يا نايم

ملقتش حاجة تفرح فى بلدنا المهذرة

قلنا الثورة العظيمة راح تبقى فشخرة

لقينا بلطجية ناس عايزين الأذية

نتقدم يوم بإيدنا نرجع قرن لورا
ملقوش حاجة يقولوها غير حمة فى البهايم
٢٥ يا نايم

أنا نفسى اسال سؤال حد يجاوب عليه
واللى يجاوب هياخد منى ١٢ جنيه
إيه اللى بيحصل معنا؟ليه خدنا على الإهانة؟
ليه نصبح ع التفاهة؟ ونبات على الخيانة؟
ليس نات بتموت بريئة؟ليه بتضيع الحقيقة؟
ليه كل حاجة غالية؟بطلنا نجيب وناكل
هو الشعب اتعزر؟ لا لا لأ دا بينه صايم
٢٥ يا نايم

فى فورنة عم جمعة لون العيش غيروه
زمان كان لونه أبيض دلوقتى بيدهنوه
وتلاقى الرمله جوه معلش هيتاجوها
لما الفورنة دى تقدم والسقف يرموه
القوطة زعلوها حتى لما بيعوها تملى بيشتموها
مجنونة الأوطة ليه؟
هى رفعت تمناها؟ هى سرقت ميزانته؟ هى زرعت مكانها؟
بطيخ وفراخ بانيه؟
أنا نفسى يا ناس فى مرة أجيلى كيلو لحمه
لكن لما آجى أنزل بلاقى الدنيا زحمة
شوارع يقفلوها قال إيه بيعدلوها
طلعان عنيين أبوها

ومحدث فيينا فاهم

٢٥ يا نايم

إعلامنا كأنه ورشة بتصنّع ما تريد
هدفهم خلق فوضة أخبارهم مش أكيد
كل اللي لبسلى بدلة بيطلع ع الهوا
ويقول أنا راح أقدم شكل صناعة الدوا
وهو يا عيني فاهم إنه من المشهورين
والناس سمعاه وعارفة دوره الحر الرزين
يا عم روح فى داهية برنامجك لو أمين
هتخاف من رينا وتخاف على شعبنا هدى واللعب شوية
ويلاش شغل العوالم

٢٥ يا نايم

ليه زباليين؟

إحنا كده دائما نقلل م البشر دائما نهين
بنبص للناس اللي فوق بالاحترام
ونشوف بنوا كام فلة ونكون حاسدين
منقوم نشوف أدى عم عبده وصحبته قاموا بجد
نزلوا يشيلوا زبالة الحارة القديمة
طب ليه كده؟؟
الست هانم صاحبة البيت الفلانى
تزعق فى وسط الحارة اطلع عندى تانى
أنا عندى شنطة لسه حطهاتعالى
ودى فيها إيه؟؟ طب ده سؤال؟
طبعاً زبالة
يطلع بكل قوته فوق ع السلام
يدعى يلاقى صحته ويعدى سالم
دول نضفوا كل البلد بإدين شريفة
عرق وهمة عندهم متوفرين
ليه زباليين؟؟
إحنا كده بنتقرف من كلمة الزبال قوى
ونحس إنه شخص تافه ملتوى
أو إنه خدّام عندنا جابه بابانا نذل فيه ويعزنا
إحنا كده لا يوم بترحم

أو نسيب تنزله رحمة ربنا

إحنا كده ناس جبارين

ليــــــــــــــــه زباليــــــــــــــــن؟

مش هما دول اللى إحنا من غيرهم نلاقى الدنيا حتة من جهنم

مش هما دول اللى بإديهم حولوا الدنيا لمنجم

ياخدوا الزبالة ويصنعوا منها كتير

حاجات مفيدة وشغلهم مليون ضمير

اللى بيخوده مننا

عشرين جنيه طول السنة

ودى تعمل إيه؟

حتى إذا كانت كتيرة دى فيها إيه؟

ياخدوا مقابل شغلهم

ياخدوا مقابل ذلهم

ياخدوا مقابل للشقى

دول عمرهم متأخروا يوم من سنين

ليــــــــــــــــه زباليــــــــــــــــن؟؟؟

أنا بس نفسى نحترم اللى ينضف أرضنا

من غيره هنلاقى الزبالة كلها هنا عندنا

ما نقول عليه عامل نضافة ونشكره

إحنا نحط زبالة الدنيا وهو يشيلها فإحنا نقدره

ويلاقى فى معاملتنا رحمة للبشر

مهى هيا ديا مهنته هو القدر

لو كان عليه

كان نفسه يبقى طبيب ويبقى له كيان

لكن ظروفه اتغيرت واتبدلت

كان اللي كان

أنا بس عايز أقولكم إن إحنا أصلا كلنا

ع الأرض واحد ————— د

يمكن يكون واحد غنى واحد فقير

بس الحقيقة ربنا ع الخلق ش ————— اهد

بدعى نكون يوم القيامة كلنا

فى الجنة نبقى موجودين

ليه ————— زياليه ن؟؟؟

أعظم وطن

أعظم وطن إنك تلاقى الأخ واقف جنب أخوه
أعظم وطن إنك تلاقى الابن بيبوس إيد أبوه
أعظم وطن إن الأخوة بين مسيحي ومسلمين
عمرها دايم ولا يمكن تتوه
أعظم وطن إنك تلاقى الأخ واقف جنب أخوه
قالوا ع القنوات كلام
تسمعه عقلك يتوه
فيها فتنة مش هتيجوا هنيقى متنا
ده كلام؟
هو فيه فى الدنيا مصرى بيموت أخوه؟
أعظم وطن إنك تلاقى الأخ واقف جنب أخوه
جاي الهلال شايل صليب
طائر على أبعد فضا
بيقول أنا مصرى وعاشق نهرها
جامع كنيسة سلاح بيحميننا هنا
وإحنا كده مع بعضنا
والشر لازم تحرقوه
أعظم وطن إنك تلاقى الأخ واقف جنب أخوه
فى كل أنحاء البلد
فى كل يوم طفل اتولد
بتقول عليه ابن الوطن

اللى هيحميله الحمى اللى هيوصل للسا

اللى هيبقى زى كل العظما دول

زويل وطه والسادات

يعقوب معاهم جاى يقول

إن إحنا أهل الالتزام واللى يقول غير كده

أصله شيطان عايز يموت أهلنا

ويذلنا وإحنا هنا

متوحدين متمسكين بأرضنا

ومستحيل أى شيطان يبجى ما بينا

كلنا

ويخلى عقلى فى يوم يتوه

أعظم وطن إنك تلاقى الأخ واقف جنب أخوه

لما فى وسط الزحمة نعرف بعضنا

واقفين فى كل طابور بننعى حظنا

والفقر فوق راسنا شايلنا كلنا

هو الفقير اللى مش قادر يعيش

هو الفقير اللى فى مستشفى علاجه مفيش

هو اللى معموله جناية ويندهه عم الشاويش

يسب فيه يهين كرامته بكلمتين

ويقول بصوت عالى

كلام يجرح كيانه قبل ما يجرح أبوه

أعظم وطن إنك تلاقى الأخ واقف جنب أخوه

ما بين الكحك يوم العيد وأنوار الفانوس

مابين مصروفى لما يكون قليل ومتضعش الفلوس

ما بين صلاتنا لرينا
ما بين صلاة جوه الكنيسة وبعدها نلقى الطقوس
بالذمة أجمل من كده
فيه حاجة حلوة يا خلق هو؟
أعظم وطن إنك تلاقى الأخ واقف جنب أخوه
أعظم وطن لما تلاقى فى الإشارة حد عاجز تسنده
أعظم وطن لما تلاقى فقير تساعده وتسعده
أعظم بلد لما البلد تفرح بطفل تولده
شاهد على صدقك لأرضك
كل إنسان شاف أو سمع
يا عم عبيده وانت يا أستاذ ملاك
إيه رأيكم فى اللى بتقولوه الفضائيات هناك؟
إن إحنا مش واحد وبيننا ألف تار
عايشين فى رعب وقلبنا مليون مرار
لو أمتلك؟ كنت أدى لكل مذيع ٢٠ سنة
سجن وإهانة لفرهم وأمسك أنا
وزارة الإعلام وأخاف من رينا
ومقلش غير الحق وارحم شعبنا
دا حنا خلاص أصبحنا أسوأ من زمان
الحق ضايع عندنا ياريت تفوقوا وتلحقوه
أعظم وطن إنك تلاقى الأخ واقف جنب أخوه
مش محتاجين أدلة ع اللى حسيناه
طول عمرنا عايشين نحارب فى الحياة
مين فينا ساب أى عدو يدخل بلدنا

دا احنا صرخنا فى الكنايس وطلعنا فوق أعلاها مادنة
قلنا يارب انصرنا واحمیلنا بلدنا
ونحس بالأمن والخیر والأمان
منشفش زحمة ودريكة وسط الطريق
ونلاقى خيرنا فى البلد
میکنش ولا مذنب یرىء
أحمد ومینا ومصطفى وعیسی صديق
ترفع اديننا لفوق وتدعى ربنا
ونقول فى صوت واحد یهز أرضنا
إحنا هنا إحنا هنا
عایشین على أعظم وطن
أعظم وطن إنك تلاقى الأخ واقف جمب أخوه

٣٥- يالا بينا نبني مصر من جديد

يالا نحميها ونفديها نعلمها أكيد
مصر يردوا أم لينا..... أم بتحافظ علينا
لو تعبنا مرة فيها السبب عنها بعيد
يالا بينا نبني مصر من جديد
عشنا فوق أرضك ومن نيلك شربنا وارتوبنا
دقنا شهديك تهنا بعدك هو ده الواجب علينا
إننا نبني حدودك نسكنك ونشد عودك
إنت خير موجود في ايدنا دم يجري ف الوريد
يالا بينا نبني مصر من جديد
إنتي أصبحتي في نظرهم تورتة حاولوا يقطعوها
هما لورا عوا ضميرهم ياخذوا صحرا يعمروها
مش يهدوا صرح عالي من زمان
مش يحاولوا يهدموا فيكي الكيان
مش واجبههم إننا نبقى في أمان؟
ولأ هو كلام مزوق عدوا بيه فوق الحدود!
يالا بينا نبني مصر من جديد
لو سمحتي يا مصر يا أمي العزيزة
جمدي قلبك ودوسي ع اللي عايزين يقتلوكي
دأنت أكبر من هواهم وانت أعلى من سماهم
وانت روح مليانة خير وأسأل أحسس أبوكي
لما جاله ألف مليون احتلال
ايده طردت العدو باليمين أو بالشمال
وانت دلوقتي قوية بيكي لينا الخير يزيد
يالا بينا نبني مصر من جديد

كل من حاول يخليكي فقيرة أو وحيدة
كل من حاول يشوه صورة الثورة المجيدة
هما أولادك رجالك عبّروا قالوا كل كلام عظيم
شالوا سم بييجرى فيكى موتوا الظلم القديم
اعرفى ان إحنا منك مستحيل نستغنى عنك
نجمتك سماكى قمرك كل ده احساس فريد

ياللا بينا نبني مصر من جديد
يا شباب ياللى انتوا أصلا حتة منها
اسمعوا آخر نصيحة لو صحيح هتدافعوا عنها
اوعوا يوم نلقى اعتصام أو نعطل ف المصالح
شغلنا هو اللي يرفع شأنها هو اللي صالح
لو لقيتوا النيل جفاف احفروا الصحرا باديكم
ابنوا علوا واللى خاف راح يموت حلم فيكم
بالإدين والروح ويكره نلقى لبنا أحلى عيد

ياللا بينا نبني مصر من جديد
الكلام عمال بيطلع من لسانى
حاسس انى بانفعالى حد تانى
حد عايز مصر حرة م اللي فيها
حد عايز مصر ظاهرة م البلاء اللي ماليتها
حد بييفكر فى بكرة

بكرة جاى مش تمنى أو أمانى
ياللا نرفع راية عالية يوم ما نرفعها هنلقى
مصر تانية فوق جبين الدنيا غالية
والوطن بالنصر ده أصبح سعيد
ياللا بينا نبني مصر من جديد
ف النهاية شلت قلبى فوق ادبا بهدهولك
كل شىء جوايا ملكك

والجوارح جوه منى بيندهولك
انت مصر الحرة دائماً
أم مينا وأم عيسى وأم أمين
انت أمة جاية لينا واحنا حيينا سلامك
كل شىء عرضك وطولك
بدعى ربي إننا نقدر نصونك
نبعد اللي جى يسرق أو يخونك
يا بلدنا تسلمى وتسلم عيونك
والربيع الحلو جاي ينشر العهد الجديد
يالاً بينا نبني مصر من جديد

اسمها بلدى الحزينة

اسمها بلدى الحزينة للأسف أكبر مدينة
عذبتنا مررتنا توهتنا موتت إحساسنا فينا
اسمها بلدى الحزينة
كل يوم أحداث غريبة والسبب إهمال شديد
موت بينده ع الرضيع قبل ما يفرح بعيد
والسؤال هو إحنا منك ولاده فضلك علينا؟
اسمها بلدى الحزينة
أم بتصحى ولادها الأربعة لبستهم ودهعتهم جات تبوسهم
جات عنيتها مدمعة
بعد ساعة أو ساعات الخبر... ضناكى مات
أيوه مش قادر أسيطر ع اللى فى
صدمة بتموت كلامى
تقتله بتموت عنيا
كل شىء راح منها والضنا كان عندها
أغلى من النور والحياة
أصبحت فى الحزن محبوسة وسجينة
اسمها بلدى الحزينة
إيه اللى هيعوض ولادنا حضننا غير التراب!
هما ماتوا وانتهدت ليه سابونا للعذاب؟
آه لو أعرف السبب واللى موت حتة فيها
كنت أجييه فى الميدان وأعدمه قدام عنيتها
حتى لو ده كان حصل مش هيطفى نارها فيها
أم ماتت فى صياها حضننا بحر وسفينة
اسمها بلدى الحزينة
ياللا عدو كام مصيبة ف البلد
ياللا عدو كام قتييل مات ما اتولد
ياللا ندعى ربنا إننا نفضل هنا

قبل ما يقل العدد
مين هنتقدر نسأله ع اللي حصل؟؟
ليه بلدنا فرع مايل للخراب حالها وصل
مش كفاية إننا لما نيجي نشترى
حاجة نلقى الطاق طاقين
واللي أصلاً هو لينا اتسرق ودوه لفين؟
إحنا أولى باللي لينا ما إحنا أصلاً مسروقين
حسبي الله العظيم ف اللي شايئنا أمانة
كان صغير كان كبير انحدر ويا الخيانة
لو نسامح ف اللي راح مش هنتقدر بالأمانة
ليه بلدنا كلها أصبحت صعبة ولعينه؟؟
اسمها بلدى الحزينة
يا بلدنا اللي اتسرق مش مال وجاه
يا بلدنا اللي سرق جاه سرق منا الحياة
لو هنصرخ ... قلبنا هيقولها آه
أه وآه وآه وآه لو هتبرد فينا نارنا
كنا قلنا ألف آه
بعد إذنك مش هحبك
هكرهك وانسى اللي فيكى
كنت عاشقك كنت ساكنك
كنت فى الحاضر معاكى وفى ماضيكى
لكن القصة انتهت بالنهاية المؤلمة
داسوا راسنا فى التراب بعدما طلنا السما
كل ما جواكى شاهد
إننا عايشين حياتنا فوق ترابك
واللي مش عارفين نشوفه أحلى شىء جواكى لينا
اسمها بلدى الحزينة
اسمها بلدى الحزينة
اسمها بلدى الحزينة

حوار مع كرش (الوزير)

أهلاً بكرشك يا سيادة الوزير
كرشك منور إيه حصل؟ يارب خير
لأه مفيش حاجة أصلاً طبيعتي كسده
والكرش ده نعمة مزايا متعددة
يمشى جاررني وراه وكإني لص خطير
أهلاً بكرشك يا سيادة الوزير
إحكيلنا لو سمحت إيمتي بدأ يكبر
وتحس إنه عظيم ع الساحة راح يظهر
أرجوك بلاش تتكسف إحكيلنا لو تقدر
أبدأ بداية عادية زى أبويا تمام
كانت عنيا عليه ع الأكل ما فى كلام
لكن كبرت أنا وعرفت أحلى طريقة
آكل فى قوت البشر واعصابى هادية بريئة
يظهر عليا الأكل متعبش م التفكير
أهلاً بكرشك يا سيادة الوزير
طب ممكن يالا بينا فى جولة جوه الكرش
والأجرة تبقى علينا معاك لألفين قرش
خبطننا على بابيه لقيننا زحمة كتير
الديك صبح صاحى بينادى ع العصافير
ولقيننا جوه مزارع من ضانى مع رومى
واللحمة كانت هبر قطعنا أنا هدمومى
من أكلته استغربت صليت دعيت ربنا
يا معدتى صومى
كفاية آكل فول أصلى اتولدت فقير
أهلاً بكرشك يا سيادة الوزير

لوحد كان زعلان يبيجي يزورنى مرة
هيالقى أكل إنما مفروش على أغلى سفرة
ببداها شربة أنا علشان تفتحلى نفسى
وأخش على المحاشى معايا يبيجي ساعة
أنواعها حلوة جداً طبخوها ف الإذاعة
اتفضلوا معايا ع الأكل يا جماعة
خلاص عامل حسابكم
على شربة العصافير
أهلاً بكرشك يا سيادة الوزير
آخر سؤال حضرتك واستحملنى دقيقة
المعدة رافعة دعوة دعوة بتقول منك بريئة
طب إيه أخبار سيادتك؟ متعرفنا الحقيقة
أنا أصلاً أكلى غنية وخصوصاً إنه منكم
رشاوى مية مية وبخدها بعيدة عنكم
أظن الكرش بردوا محتاج يشرب عصير
أهلاً بكرشك يا سيادة الوزير
طبعمًا عرفتموا أنا كان قصدى من ده إيه
كل اللي كان ملكنا دخل فى كرش البيه
ولا شاغل باله بينا مينصعبش عليه
هدعيه دعوة واحدة طالعة من الوجدان
اسنانه تسقط تقع ولا يبلع باللسان
أصل اللي حاصل لنا قرب يجيبلى جنان
بلعوا خلاص حقنا حظوه فى كل مكان
هما فى راحة هناك واحنا يا ناس تايهين
فى زحمة الطوابير
أهلاً بكرشك يا سيادة الوزير
أهلاً بكرشك يا سيادة الوزير

للدرستور

أنا مصرى ومن حقى أقول لأه على الدستور
لكن ممكن يكون صوتى حقيقة بيان معاها النور
أنا عارف هتبقى نتيجة محبوبكة
بنسبة كبيرة هتعدى وصوت فى صوانى مسبوكة
ولو تسأل جابوها ازاي
يقولك إسأل المأمور
أنا مصرى ومن حقى أقول لأه على الدستور
وهو ازاي تكون لجنة بلا قاضى
وصوتى يخش فى مكانه على الفاضى
وحتى ضميرى مش عاجبه مهش راضى
على حبة مواد ياما
وناس خافت على الآخر على اللقمة على الهدمة
وراحت راضية بالتصويت
وقالوا هيا دى علامة
على إيه باللى فى اديكم تخلوا حالنا مش موكوس
وتدونا أمان لينا ومش عايزين غنى وفلوس
دا كل الشعب من حقه يعيش آمن يعيش منصور
أنا مصرى ومن حقى أقول لأه على الدستور
خلاص ظهرت نتايجكم وأصبحتم على القمة
ومش عايزين بقى منكم غير الإخلاص مع الذمة
وتبقى بلدنا مرفوعة ونوصل بيها للقمة
ونهدى شوية... ونسامح منتعصبش باسم الدين
ونقدر نعلى ونكافح ماًصلاً إحنا مصريين
أكيد لازم نفوق طبعاً ويبقى عرضنا مستور
أنا مصرى ومن حقى أقول لأه على الدستور

يا كل جماعة الإخوان أنا بسأل سؤال واحد
سؤال عندي يقالوا زمان ومحتاجله جواب واحد
مين اللى أصدر المرسوم بان الدين يخش جوه سياستنا؟
ولو واحد يعارضكم تقولوا خاض فى جماعتنا
ويبقى دمه ليكوا حلال
وشرع الله ماعمره فى يوم ظلم واحد
لأن الظلم ده خيانة بتدى الحق للظالم
وتظلم دائماً المضرور
أنا مصرى ومن حقى أقول لأه على الدستور
فى لحظة ذات الأسعار بقت نوة بقت إعصار
دى لحمة وعيش خلاص غلبوا ومش هلقى جزر وخيار
أنا فاكز زمان كنا بنتغدى بخمسة جنيه
ويفضل تانى لعشانا ودلوقتى هنعمل إيـــــه؟
هندعى ربنا يستر ودائمًا ع البلا نصير
هنتمحمل... ونتأمل ونصحى تانى ونكمل
وحتى الطفل لو عايش
مدام عايش على أرضه
ماعمره ف يوم يعيش مأمور
أنا مصرى ومن حقى أقول لأه على الدستور
بقينا فى بيتنا ليه أعداء؟
ودستورنا كإنه بلاء
ونتخايق ونتدايق ونلقى ف الطريق واحد
بيتشاكل
وبيقولك أنا مؤيد أنا معارض
ومش فايق كإنه وباء
وليه أصبحنا فى بلدنا شمال ويمين؟
وليه دخلنا فى حياتنا سياسة الدين؟

ماعمرد الدين يقول خلوا بلدكم عايشة فى الفتنة
بشر عمالة تتهكم بذاتة بتعلى بسكوتنا
عشان نبقى عبـاد الله لايد يرتفع صوتنا
ويعلى الحق ويلالى
ونلقى العدل شىء مسطور
أنا مصرى ومن حقى أقول لأه على الدستور
يا رب كل من خرب فى أوطانا
يموت... يهلك... يسيينا ويختفى عنا
ويبقى بناكى يا بلدى هدفنا... كل راس مالنا
ونعلايك... ونحلايك...
وظفلك جاى يتقوى على بابك
طريق الخير بقى لبنا
طريق معمــــــــــــــــور
أنا مصرى ومن حقى أقول لأه على الدستور

عائشيين سلف

من كام سنة سنة عائشيين سلف بعد ما كنا احنا الملوك
ندى لكل الناس تحف فجأة تلاقى الناس سابوك
دلوقتي بصرخ وانكسر وأعرّف فى لحن ما يتعزف
عائشيين سلف
دلوقتي حاسس إن أنا بجد يتيم واهويا مات
والبيت مهدد بالسقوط حالة سكات
كام حاجة حلوة اتبدلت كام حاجة حلوة اتبهذلت
وعيال كتير عمالة تصرخ صرخة بتملئ الكون عياط
جرالنا إيه؟؟؟ وليه كده؟
زهقنا من كلمة رضا
مقدرش أنكر إننا شعب برئ
يوم ما اتسرقنا وقفنا وقفة سدت البيت والطريق
لكن خلاص دلوقتي مدينا ادنا للمى يسوى
علشان نجيب حبة علاج أو زيت وكسوة
رضينا ليه على نفسنا بعد ما عشنا فى ترف
عائشيين سلف
فاكرة زمان يا مصر لما كنتى عايشة تخدمى كل العرب
دلوقتي كله عاش فى دور الناصحين ولى الهرب
على العموم احنا ولادك اللى ملكش فى الحياة غيرهم معاكى
على العموم احنا عتادك واحنا الأمل اللى بيقوى من رضاكى
خلاص يا أمى هنعودك من غير قيود
إن إنت لازم تفضلى فوق الوجود
واللى شمت فيكى خلاص راحل بعيد
لا محتاجين حبة فلوس ولا سلف

عائشين سلف
أنا إبنى لازم يبقى عارف إنه مصرى محترم
جده عظيم بنى الحضارة وجسمها مليون هرم
عدى الحدود وعبر قنال بعزيمة صامدة بالهمم
لازم يا ابنى لما أموت أحفر فى قلبك أعلى حاجة
مصر العظيمة أولى ليك منى أنا
ودى حقيقة مشبته مش أى حاجة
علشان تعيش عمرك سعيد ابنى البلد
قوى سواعد شعبها
ابنى بجلد
يومها هتلقى الدنيا صبحت تحت رجلك
والدنيا بيك راح تعترف
دلوقتى أقدر أقوللكم إن إحنا بعد اللحظة دى
لا هنبقى حد ضعيف ولا عائشين سلف
عائشين سلف

رسالة إلى الرئيس أوباما

هقولك إيه؟ هقولك إيه؟ ما أنا مصرى

وصوتى فى الميدان تلاقية

منش عايز كلام منك

ولا من حد فى سنك

ولا أكبر ولا أصغر

ما أنا مصرى تراب بلدى

على وشى أهو مغطيه

هقولك إيه؟

هقولك بس بزيادة بلاش تلويط

ما كل الشعب فى التحرير وشعب حويط

بيفهم كل شىء وانت بتفتكره بجد عبيط

لأ اصحى وفوق معايا عشان

رسالة عايز أقولها لك

بلاش مكرك كفاية دهاء

وخليك نوعة فى حالك

لو إنت صاحب الكلمة هقولها لك

مضحكوا عليك فى كام مليار

وكلت الكوسة.. والممبار

ولمواخذة طلعت حمار

روح اقعد جنب بيتك

عشان الابيض بهت عليه

هقولك إيه؟

هقولك إيه؟ واعيدلك؟

ما شفت الشعب بعيونك

شباب ياما رجال ياما
عيال مش خايقة من لونك
يا شيخ مفروض تكون عادل
ساعتها كنا هنصونك
لكنك داخل اللعبة بأرض وقوت
وناسى إن ١٠٠ مليون فداها تموت
ولا شبر فى بلدنا احنا
ولا حتى سكن كتكوت
قابلنا انت وعصابتك
وقولى بكرة تاخذ إيسه؟
هقولك إيه؟
تعالوا نعكس الكلمة هنلقاها
أم وأب وطفل صغير بيقول واء
كفاية دا إحنا فاهمينك كفاية دهاء
تعال شوف دى أهرامنا
ونهر النيل وياما بلاء
وقع واحنا فينشييله بكل ذكاء
لو انت فاكر الدنيا هتبقى كل يوم جمبك
دا وهم كبير بتحلم بيه
هقولك إيه؟
خلاص وصلت رسالتنا
ومش هنقول بقى حاجة
دا شعب النيل بييعتلك
سلام من أم محتاجة
تسيب بلدى وتهجرها
وأعصابنا فى تلاجة
هنحمى مصر من غيرك

ولا نحتاج لأى عزول
هنبنى بكره وامبارح
ومستقبل شباب بيقول
يعيش الحر بدراعه
وصوته شرّد المعزول
فأحسنلك نجيبلك تين مع بطاطا
أهو مترمى فى الميدان
وخذ عندك
مفيش فى بلدنا حد عميل
ولا هتلاقى حد جبان
ولو خانك فى يوم عقلك
وقالك تلعب الواطية
فهتلاقى هلال أبيض صليب أبيض
ومش هتلاقى يوم خاطية
وهتلاقى فطارى بكره مع عيسى
وبعدہ العيد
هيجمعنا هلال على صليب على
وغيرك وانت والدنيا
مهتغير فى يوم حالى
يا شعب كلنا حسنات
أوباما فاكره شعب ومات
بروح يمشى ورا الإخوان
يدور حتى مع الأخوات
فتحيا مصر وشبابها
وكل رئيس هيتنطط فهنجيبه
ولا نسيبه ونخذقله فى الميدان عينه
وكل الدنيا تتكلم وتحكى عليه

هقولك إيه؟
وكل الشعب متوحد بلاش أوهام
وعيسى خلاص أخوه أحمد معاه فى سلام
بلاها كل يوم حجة
تعالوا واسألوا الحجة
میحلاش ليها يوم فى صيام
إذا ما كانت اللمة
وكنا كلنا قاعدين
مفیش مسلم ولا مسیحى
ما احنا كلنا فاهمين
أنا مصرى وهو كمان
مفیش تجرة باسم الدين
ولا تلاقى فى يوم فتنة
ولا ديننا نغالى عليه
هقولك إيه؟